
“УРУШ ЙЎЛЛАРИДА” ЁДГОРЛИГИ пойи гулларга тўлди

Ёзёвонлик II жахон уруши қатнашчиларига бағишлаб ўтказилган “Уруш йўлларида” ёдгорлиги бунёд этилганига 40 йил тўлди. Ўтган 40 йилда бу ерда кўплаб тантаналар бўлган. Лекин Хотира ва қадрлаш куни муносабати билан ташкилланган бу йилги тантанали тадбир бутунлай бошқача бўлди. Ёдгорлик пойи анвойи гулчамбарларга тўлди. Байрам тадбирида фронт орти меҳнат фахрийлари, афғончи жангчилар, давлат ва жамоат ташкилотлари вакиллари иштирок этдилар. Дастлаб туман ҳокими бошлиқ сектор раҳбарлари, прокуратура, ички ишлар, ҳарбийлар, мактабгача таълим, халқ таълими, афғончилар, ёшлар ташкилотлари, давлат идоралари вакиллари “Уруш йўлларида” ёдгорлиги пойига гулчамбарлар қўйишиб, таъзим бажо келтиришди. Туман ҳокими Дилшоджон Джалилов Президентимиз томонидан II жахон уруши иштирокчилари, меҳнат fronti қатнашчиларига яратилган шароитлар, ёзёвонлик жангчиларнинг ҳамда фронт ортидаги ота-бувиларимизнинг ғалабага қўшган ҳиссасига алоҳида тўхталди. Тадбир иштирокчиларини, улар орқали жамоалари, оила аъзоларини байрам билан қутлади. Ветеран жангчи-фахрий ва ногиронлар туман бўлинмаси раиси А. Абдуллаев сўз олиб, барчани байрам билан табриклади. Ёзёвондан 912 нафар урушга кетган бўлиб, уларнинг ярмидан кўпининг ҳоки ўзга юртларда қолиб кетди. Ўтган аждодларимиз руҳи покига бағишлаб қуръон тиловат қилиниб, дуо қилишди. Байрам тантаналари жойларда давом этипти.

ЁЗЁВОН ТУМАНИ ҲОКИМЛИГИ АХБОРОТ ХИЗМАТИ

2021-05-08 16:10:27